

Jibāñ ta ko rej bellok ñan jibāñ kin onean ko rej epāake HIV im ejmour?

CAREAssist, Oregon's AIDS Drug Assistance Program (Burookraam in Jibāñ kin AIDS ilo Oregon), emāroñ in jibāñ kōllā onean ejmour im uno ñan armij ro rej mour ilo Oregon im rej nañinmej in HIV.

Ñe ewōr am injuran in Ejmour, CAREAssist emāroñ in jibāñ kōllā onean taktō, kōllā ko kwōj jimetan e im onean injuran eo am.

Ñe ejelok am injuran, CAREAssist emāroñ jibāñ eok kanne bwe en wōr am injuran im lewaj onean jibāñ ilo ien jidimkij ñan jabdewōt ien am loe lak im ej kin unin HIV, jerbal ko ilo lab im uno.

Kūrlōk 1-800-805-2313 ñan lale ñe kwōj māroñ in tōbrak im katak elaplok ilo: healthoregon.org/careassist

Jerbal Rōt ko rej bellok ñan armij ro rej mour kin HIV/AIDS?

Jerbal ko rej bellōk ñan armij ro rej mour ilo aer nañinmej in HIV/AIDS jān Burookraam eo an Ryan White kin HIV/AIDS, etan juōn armij eo ej nañinmej in AIDS ekar kate joñan wōt an māroñ bwe en ejelok dike ro rej bō nañinmej eo im mijak HIV/AIDS ilo 1980 ko.

Kwōj māroñ tōbrak ñe:

Kwōj mour ilo am nañinmej in HIV/AIDS

Joñan jāān eo kwōj kommane ej pād ilo joñan eo (joñan jāān ej oktag ekkar ñan burookraam)

Kwōj jokwe ilo Oregon

Kwōj māroñ in tōbrak ñan Jibāñ ilo jerbal kein ilal:

Jikin Lale Case in HIV

Injuran in Ejmour

Uno ko emōj kwalōk jān taktō

Lale ejmour

Lale ejmour an ñi

Rōjāñ ikijen ejmour in jelalakjen

Bōk uno ñan men ko rekajur im arkool/rōjāñ

Jikin jokwe

Wāwein itotak

Moñā

Dān im Jarōm

Menija in lale case in HIV rej kwalok melele ko im lelak jibāñ ñan armij ro rej mour ilo aer bōk nañinmej in HIV. Melele ko kwōj kwalok ippen menija in case eo am ejelok enij jella kake. Bukōt juōn am menija in case in HIV eo am ilo jikin eo epaake eok ilo: healthoregon.org/hiv



Kein jibāñ ko jet

Katak elaplok kein wāwein an Oregon jerbal ñan jemlokin ien in ilo:

endhivoregon.org

Bōk uak ñan kajitōk ko am kin HIV, wāwein kōjbarok eok make im ia ñan bōk teej ñan e ilo am kūrlōk National AIDS Hotline (Lain in Jibāñ kin AIDS) ilo 1-800-232-4636 (Kajin Pālle im Spanish), 1-888-232-6348 (TTY).

Melele ko emōj bō jān AIDSinfo <https://hivinfo.nih.gov/understanding-hiv/fact-sheets>




Pepa in emāroñ in iwaj elikin kajitōk ilo elōñ wāwein ko ñan kajojo armij ewōr aer nañinmej akō ilo juōn bar kajitōk ijelakin kajin pālle ippen armij ro ejabwe kajin pālle ippeir. Ñan kajitōk pepa in ilo juōn bar jekjek akō kajin, email care.assist@dhsoha.state.or.us akō kūrlōk 971-673-0153 (voice) ak 971-673-0372 (TTY).

endhivoregon.org



Kajitōk ko Ekkut: HIV/AIDS



Marshallese (8/2023)





Ta in HIV/AIDS?

HIV (human immunodeficiency virus, baeroj eo ej kōmman an armij mōjno) ej juōn baeroj eo ej kōmman nañinmej in HIV. AIDS (acquired immunodeficiency syndrome, nañinmej eo emōj bōk im ej kōmman an diiklak an armij kajur) ej tōrre eo elaptata an kauwōtata ilo nañinmej in HIV.

HIV ej irre ippēn cell ko ilo enbwinnin kajojo armij. Ilo an jorāān cell kein ej kōmman bwe en ben an enbwinnim kōjbarok jān nañinmej im jet bar cancer. Ilo am jab bōk uno, HIV emōj in kōmman bwe en jorāān enbwinnim im wōnmanlak ñan AIDS.



Ewi wāwein an HIV ajeded?

HIV ej ajeded wōt ilo jet ian dān ilo enbwin jān juōn armij ej nañinmej in HIV im elap an kauwōtata (joñan baerōj ilo bōtōktōk im juōn teej emōj in kile). Juōn armij ej nañinmej in HIV ejjab mōroñ in kōmman bwe en ajeded HIV ñe ejjab lap an kauwōtata (elukkun diik joñan baerōj ilo bōtōktōk im ej walok elikin an bōk uno).

Dān ko ilo enbwin remāron kōmman an ajeded HIV ej:

Bōtōktōk

Dān ko rej walok ilo ien an ruo armij babu ippēn dron –pek, dān eo ej walok mōkta jān pek, dān ko ilo juōn kōrā, dān ko ilo lalin lak loje


Dān in iitūt

Ilo U.S., HIV elap an ajeded jān wōt:

Babu ippēn juōn armij ilo am jab kōjerbale kein bōbrae ko ñānwōt condom akō ilo am jab bōk uno ñan bōbrae jān HIV (ñe ejjab alikkar nañinmej in HIV) akō bō uno ñan jolok HIV (ñe alikkar nañinmej in HIV)

Kōjerbale kein wā ko, ñānwōt nitōl, ippēn juōn armij ej nañinmej in HIV

Ewi jet wāwein kein ñan kabōjrak an ajeded HIV?



Condom

Kōjerbale roba akō būlajtiik condom akō juōn kain kōjbarok loñiim ippēn kajojo armij kwōj babu ippēn, aolep ien. Kein ekkapit ko rej kōmman jān dān akō kūrii emōj in kalaplōk am kwōn im bōbrae, akō jāb kōjerbale kein ekkapit ko ewōr weil ie (ñānwōt Vaseline akō elōn weil in ekkapit ko).




Wā ko rej Kōjbarok

Ñe kwōj lelek uno ilo wā, jab kōjerbale juōn wōt kein kamat, cotton ko im dān. Kōjerbale juōn nitōl kāäl im erreo aolep ien am wā ñan kabōjrak an ajeded nañinmej ko ñānwōt HIV im hepatitis C. Bukōt juōn jikinjenij nitōl ilo: healthoregon.org/hivprevention




Uno

Ñe kwōj mour ilo am nañinmej in HIV, kwe mōroñ in jolok am mōroñ in kōmman an ajeded HIV ñan ro jet ilo am bōk uno in HIV aolep raan, ñānwōt an mōj karōk. Enij jibāñ eok bwe en tōbrak im kōjbarok jān an lap kauwōtata. Bukōt melele ko relaplōk kake burookraam in lale im uno eo ilo Oregon ilo: healthoregon.org/hiv



Etaale ilo STI

Ñe ewor am nañinmej jān am babu ippēn juōn im kwōjjab bōk uno ñan e (STI) ej melelein kwe mōroñ in bōk HIV. Ejja makūtküt kein wōt rej jemlōk ilo an juōn STI likit eok ñan kauwōtata ñan HIV, im juōn STI eo ejjab bōk uno ñan e ej kōmman bwe en bidodo an HIV lewaj nañinmej ñan enbwinnim. Ejjab aolep STI enij wōr aer kakōlle. Beddo etaale emōj in jibāñ eok kōmman bwe juōn STI en mōkaj an jako, kadiklak an kauwōtata jān bōk HIV. Bukōt jikin teej tūrim ilo: gettested.cdc.gov



PrEP im PEP

Ñe ejjab alikkar am nañinmej in HIV, bōk PrEP (pre-exposure prophylaxis, mōkaj an epāake nañinmej in prophylaxis). PrEP ej juōn uno eo kwōj idāāk aolep raan im ej kadiklōk kauwōtata jān am mōroñ in bōk HIV jān babu ippēn armij ilo 99%. Ibwiljin armij ro rej lelak wā in uno, PrEP ej kadiklōk kauwōtata in mōroñ bōk HIV ilo 74% ñe kwōj bōk aolep raan. Rijerbal in PrEP itūrim: oraetc.org/prep

PEP (post-exposure prophylaxis, elikin an epāake nañinmej in prophylaxis) ej melelein bōk uno ñan kōjbarok jān nañinmej iumin 72 awa elikin am mōroñ kar epaake HIV. PEP ej jerbal ilo ien jidimkij. Ñe kwōj lōmnak kwar epaake HIV ilo ien am kar babu ippēn juōn armij, ilo am kōjerbale nitōl im jerbal ñan kepooj uno ko rekajur, ilo am kar jorāān, kajitōk ippēn jikin taktō eo am akō juōn taktō in ER kake PEP.



Ta uno eo ñan HIV?

Ro rej pād ilo Oregon im rej nañinmej in HIV ej aitok lak aer mour jān wōt jibāñ ko an HIV uno ko. HIV uno ko rej kōmman an diiklak joñan baerōj eo ilo bōtōktōk, kōmman bwe enbwinnim en kajur lak im kōjbarok jān HIV nañinmej jān an laplōk ñan AIDS. Armij ro rej mour kin nañinmej in HIV im rej bōk uno ñānwōt an mōj an taktō kwalok im kōjbarok bwe en ejelōk kauwōtata rejjab mōroñ in kōmman an ajeded HIV ñan ro rej babu ippeir. Bōk uno in HIV ilo ien bararo ej bar kōjbarok jān an ajeded HIV nañinmej ñan ajiri eo.